

et Spiritui sancto, et recede ab hoc famulo Dei **N.** quia istum sibi Deus, et Dominus noster Jesus Christus ad suam sanctam gratiam, fontemque Baptismatis vocare dignatus est: et hoc signum sanctae Crucis ✠,

*(Signat singulos.)*

**Q**uod nos fronti ejus damus, tu maledice diabole, numquam audeas violare. Per eundem Christum Dominum nostrum, qui venturus est judicare vivos et mortuos, et saeculum per ignem.

**R.** Amen.

Si, ut supra, adsint feminae, retrahunt se masculi in partem, et accedunt feminae ante Pontificem, et stant.

Pontifex igitur, sedens cum mitra, dicit Catechumenae: *(In plurali pro pluribus.)*

**O**ra, Electa, flecte genua, et dic: Pater noster.

Et Electa genu flexo, orat et dicit: Pater noster, etc. Et cum dixerit usque ad Sed libera nos a malo, inclusive,

Pontifex dicit: **Leva**, comple orationem tuam, et dic: Amen.

Electa, surgens, respondet: Amen.

Pontifex dicit Patrino: **Signa eam.**

Deinde dicit Electae: **Accede.**

Et Patrinus pollice signat Electam in fronte, dicens:

In nomine Patris, et Filii, et Spiritus sancti.

Et Pontifex pariter faciet signum Crucis in fronte ejus, dicens:

In nomine Patris, et Filii, et Spiritus sancti.

*(Singulis si plures.)*

Deinde Pontifex, surgens sine mitra, imponit manum super Electam, et dicit: *(In plurali pro pluribus.)*

**Orémus.**

**Oratio.**

**D**eus coeli, Deus terrae, Deus Angelorum, Deus Archangelorum, Deus Patriarcharum, Deus Prophetarum, Deus Apostolorum, Deus Martyrum, Deus Confessorum, Deus Virginum, Deus omnium bene viventium, Deus, cui omnis lingua confitetur, et omne genu flectitur, caelestium, terrestrium, et infernorum: te invoco, Domine, super hanc famulam tuam **N.**, ut eam custodire, et perducere digneris ad gratiam Baptismi tui. Per Christum Dominum nostrum.

**R.** Amen.

Deinde cum mitra, et adhuc stans, dicit: *(In plurali pro pluribus.)*

**Exorcismus.**

**E**rgo, maledice diabole, recognosce sententiam tuam, et da honorem Deo vivo et vero, da honorem Jesu Christo Filio ejus, et Spiritui sancto, et recede ab hac famula Dei **N.** quia istam sibi Deus, et Dominus noster Jesus Christus ad suam sanctam gratiam, fontemque Baptismatis vocare dignatus est: et hoc signum sanctae Crucis ✠,

*(Signat singulas, si plures.)*

**Q**uod nos fronti ejus damus, tu, maledice diabole, numquam audeas violare. Per eundem Christum Dominum nostrum, qui venturus est judicare vivos et mortuos, et saeculum per ignem.

**R.** Amen.

Deinde sedens Pontifex cum mitra, dicit iterum Electae: *(In plurali si plures.)*

**O**ra, Electa, flecte genua, et dic: Pater noster.

Et Electa genu flexo orat, et dicit: Pater noster, etc.

Et cum dixerit usque ad Sed libera nos a malo, inclusive,

Pontifex dicit: **Leva**, comple orationem tuam, et dic: Amen.

Electa, surgens, respondet: Amen.

Pontifex dicit Patrino: **Signa eum.**

Deinde Electae: **Accede.**

Et Patrinus pollice signat Electam in fronte, dicens:

In nomine Patris, et Filii, et Spiritus sancti.

Et Pontifex pariter faciet signum Crucis in fronte ejus, dicens:

In nomine Patris, et Filii, et Spiritus sancti.

*(Singulis si plures.)* Postea Pontifex surgit, et stans sine mitra imponit manum super caput Electae, et dicit: *(In plurali pro pluribus.)*

**Orémus.**

**D**eus Abraham, Deus Isaac, Deus Jacob, Deus, qui Moysi famulo tuo in monte Sinai apparuisti, et filios Israel de terra Aegypti eduxisti, deputans eis Angelum pietatis tuae, qui custodiret eos die ac nocte: te quaesumus Domine; ut mittere digneris sanctum Angelum tuum de caelis, qui similiter custodiat et hanc famulam tuam **N.** et perducatur eam ad gratiam Baptismi tui. Per Christum Dominum nostrum. **R.** Amen.

Postea sedet, accepta mitra, et dicit tertio Electae: *(In plurali, si plures.)*

**O**ra, Electa, flecte genua, et dic: Pater noster.

Et Electa genu flexo orat, et dicit: Pater noster, etc.

Et cum dixerit usque ad Sed libera nos a malo, inclusive,

Pontifex dicit: **Leva**, comple orationem tuam, et dic: Amen.

Electa, surgens, respondet: Amen.

Pontifex dicit Patrino: **Signa eam.**

Deinde Electae: **Accede.**

Et Patrinus pollice signat Electam in fronte, dicens:

In nomine Patris, et Filii, et Spiritus sancti.

Et Pontifex pariter faciet signum Crucis in fronte ejus, dicens:

In nomine Patris, et Filii, et Spiritus sancti.

*(Singulis, si plures.)* Postea surgit, et stans cum mitra, imponit manum super caput Electae, et dicit: *(In plurali, si plures.)*



## Exorcismus.

**E**xorcizo te, immunde spiritus, per Patrem ✠, et Filium ✠, et Spiritum ✠ sanctum, ut exéas, et recédas ab hac fámula Dei **N.** Ipse enim tibi imperat, maledicte damnáte, qui cæco nato óculos apéruit, et quatríduánum Lázarum de monuménto suscitávit.

## Exorcismus.

**E**rgo, maledicte diabóle, recognósce senténtiam tuam, et da honórem Deo vivo, et vero, da honórem Jesu Christo Filio ejus, et Spirítui sancto, et recéde ab hac fámula Dei **N.** quia istam sibi Deus, et Dóminus noster Jesus Christus ad suam sanctam grátiam, fontémque Baptísmatis vocáre dignátus est: et hoc signum sanctæ Crucis ✠,

*(Signat singulas, si plures.)*

**Q**uod nos fronti ejus damus, tu, maledicte diabóle, numquam aúdeas violáre. Per eúmdem Christum Dóminum nostrum, qui ventúrus est judicáre vivos et mórtuos, et sáculum per ignem.

**R.** Amen.

Postmodum accedunt iterum masculi, qui se retraxerant: et ipsi ad dexteram, femínæ vero ad sinistram Pontíficis, ut in principio, disponuntur.

Pontifex igitur, deposita mitra, surgit, et imposita manu super Electum, vel, si sint plures, super singulos, tam masculos, quam feminas, stans, dicit: *(In plurali pro pluribus tam masculis, quam feminis.)*

## Orémus.

**A**eternam, ac justissimam pietátem tuam déprecor, Dómine sancte, Pater omnipotens, ætérne Deus, auctor lúminis et veritátis, super hunc fámulum tuum **N.** ut dignéris eum illumináre lúmine intelligéntiæ tuæ: munda eum, et sanctífica: da ei sciéntiam veram, ut dignus efficiátur accédere ad grátiam Baptísmi tui, téneat firmam spem, consílium rectum, doctrínam sanctam, ut aptus sit ad percipiéndam grátiam tuam. Per Christum Dóminum nostrum.

**R.** Amen.

Pontifex sedet, et mitram accipit. Interim Clerus, qui ante Pontíficem stabat, ingreditur Ecclesiam, et dirigit se ad Baptisterium, et extra cancellos ejusdem se disponit.

Deinde Pontifex surgens cum mitra, sinistra manu sua apprehendens dexteram Electi prope brachium, vel ei porrigens extremam partem stolæ, ex humero sinistro pendentis, introducit eum in Ecclesiam.

Si autem baptizandi erunt plures, Pontifex vel porrigit singulis extremam partem stolæ, vel trahit illum, quem manu tenet, et ille secundum, et secundus tertium, etc. pariformiter ducat.

Dum autem Pontifex illum, vel illos introducit, dicat: *(In plurali pro pluribus.)*

**N.** Ingrédere in sanctam Ecclesiam Dei, ut accípias benedictiónem cœléstem a Dómino Jesu Christo, et hábeas partem cum illo, et Sanctis ejus. **R.** Amen.

Si plures, omnes simul. Ingressus Ecclesiam, Electus procumbit, seu prosternit se in pavimento, et adorat, deinde surgit.

*(Singulis, si plures.)* Tunc Pontifex, deposita mitra, adhuc stans, imponit manum super caput Electi, et simul cum eo recitat Symbolum Apostolorum, et Orationem Dominicam. *(Si plures, simul recitant.)*

**C**redo in Deum, Patrem omnipoténtem, creatórem cœli et terræ. Et in Jesum Christum, Filium ejus únicum, Dóminum nostrum; qui concéptus est de Spirítu sancto, natus ex María Vírgine; passus sub Póntio Piláto, crucifíxus, mórtuus et sepúltus; descendit ad inferos, tértia die resurréxit a mórtuis; ascendit ad cœlos, sedet ad dexteram Dei Patris omnipoténtis; inde ventúrus est judicáre vivos et mórtuos. Credo in Spirítum sanctum; sanctam Ecclesiám catholicam; Sanctórum communiómem; remissiómem peccatórum; carnis resurrectiómem; vitam ætérnam. Amen.

**P**ater noster, qui es in cœlis, sanctificétur nomen tuum: advéniat regnum tuum: fiat volúntas tua, sicut in cœlo, et in terra. Panem nostrum quotidíanum da nobis hódie: et dímittle nobis débíta nostra, sicut et nos dimíttimus debítóribus nostris. Et ne nos indúcas in tentatiómem: sed líbera nos a malo. Amen.

Interim Pontifex accedit ad faldistorium, extra Baptisterium, et versis renibus ostio cancellorum, accepta mitra, et adhuc stans, *(Singulis, si plures)* imponat rursus manum super caput Electi, et dicat. *(In plurali, pro pluribus.)*

## Exorcismus.

**N**ec te latet, sátana, imminére tibi pœnas, imminére tibi torménta, imminére tibi diem judicíi, diem supplicíi sempitérni; diem, qui ventúrus est velut clíbanus ardens, in quo tibi, atque univérssis ángelis tuis præparátus sempitérnus erit intéritus. Proinde, damnáte, atque damnánde, da honórem Deo vivo et vero, da honórem Jesu Christo Filio ejus, da honórem Spirítui sancto Paráclito, in cujus nómine, atque virtúte præcípío tibi, quicúmque es, spíritus immunde, ut exéas, et recédas ab hoc fámulo Dei **N.**, quem hódie idem Deus, et Dóminus noster Jesus Christus ad suam sanctam grátiam, et benedictiόmem fontémque Baptísmatis dono vocáre dignátus est: ut fiat ejus templum per aquam regeneratiόnis in remissiόmem ómnium peccatórum. In nómine ejúsdem Dómini nostri Jesu Christi, qui ventúrus est judicáre vivos et mórtuos, et sáculum per ignem.

**R.** Amen.

*(Singulorum, si plures.)* Pontifex, adhuc stans ibidem cum mitra, pollice accipit de saliva oris sui, et tangit aures, et nares Electi.

Tangendo vero aurem dexteram et sinistram, dicat:

Ephpheta, quod est, Adaperíre.

Deinde tangens nares, dicat:

In odórem suavitátis. Et subdit: Tu autem effugáre, diabóle; appropinquábit enim judicium Dei.



Postea Pontifex, sedens cum mitra, interrogat Electum, (*Singulos, si plures.*)  
dicens:

Pontifex: **Quis vocáris?**

Electus respondet: **N.**

Pontifex interrogat: **N. Abrenúntias sátanæ?**

Electus respondet: **Abrenúntio.**

Pontifex interrogat: **Et ómnibus opéribus ejus?**

Electus respondet: **Abrenúntio.**

Pontifex interrogat: **Et ómnibus pompis ejus?**

Electus respondet: **Abrenúntio.**

Tunc Pontifex, adhuc sedens cum mitra, intingit pollicem dexteræ manus in Oleo sancto Catechumenorum, et inungit Electum in modum Crucis, primum in pectore, deinde inter scapulas, dicens: (*Singulos, si plures.*)

**E**go te línio ✠ óleo salutis in Christo Jesu Dómino nostro in vitam ætérnam. **R.** Amen. **Pax tibi. R.** Et cum spiritu tuo.

Mox bombacio, vel re simili, Pontifex tergit pollicem, et abstersis similiter locis inunctis, subjungit, dicens:

**E**xi immúnde spíritus, et da honórem Deo vivo et vero. Fuge immúnde spíritus, et da locum Jesu Christo Fílio ejus. Recéde immúnde spíritus, et da locum Spíritui sancto Paráclito.

Pontifex, depositis mitra, pectorali, ac pluviali, et stola coloris violacei, accipit stolam et pluviale coloris albi, resumit pectorale, et accipit mitram auri-phrygiatam: et tunc ingreditur cum suis ministris Baptisterium, secum ducens Electum, vel Electos.

Ibidem inde ante ostium Fontis sedens cum mitra, interrogat Electum, (*Singulos, si plures.*)

Pontifex: **Quis vocáris?**

Electus respondet: **N.**

Pontifex interrogat: **Credis in Deum, Patrem omnipoténtem, creatórem cœli et terræ?**

Electus respondet: **Credo.**

Pontifex interrogat: **Credis in Jesum Christum, Fílium ejus únicum, Dóminum nostrum, natum et passum?**

Electus respondet: **Credo.**

Pontifex interrogat: **Credis et in Spíritum sanctum, sanctam Ecclésiám catholicam, Sanctórum communióem, remissionem peccatórum, carnis resurrectionem et vitam ætérnam?**

Electus respondet: **Credo.**

Pontifex iterum interrogat: **Quid petis?**

Electus respondet: **Baptísmum.**

Pontifex interrogat: **Vis baptizári?**

Electus respondet: **Volo.**

Tunc, si Baptismus fieri debeat per immersionem (prout in sancta Metropolitana Ecclesia Beneventana, ac ferme in omnibus CXLII Parochialibus ejusdem, ex Decreto I. Concilii Provincialis Beneventani de anno MDCXCIII. sub Archiepiscopo Cardinali Ursino; cum in earumdem Baptisteriis unicum vas cum

aqua baptismali consurgat) Pontifex stans cum mitra, accipit Electum per brachia, prope humeros; et superiori parte corporis nudatum, reliqua honeste contactum, ter illum, vel caput ejus mergendo, et toties elevando, baptizet sub trina immersione, sanctam Trinitatem semel tantum invocando, distincte, et attente dicens:

**N. Ego te baptizo in nómine Patris ✠, mergat semel, et Fílii ✠, mergat iterum, et Spíritus ✠ sancti, mergat tertio.**

Patrino vel Matrino, vel utroque cum tenente, vel tangente.

Et cum Electus surrexit de fonte, Patrino, vel Matrino cum linteo in manibus, suscipit eum de manu Pontificis, ac tergit.

Cum plures sunt Electi, singillatim, ut supra, singuli interrogantur, et baptizantur. Si sunt mares et feminae, primum mares, deinde feminae.

Si vero Baptismus fiat per infusionem, (ut in Ecclesiis in quibus, ultra vas cum aqua baptismali, habetur aliud, in quod aqua ex Baptizati capite defluit) tunc Patrino, vel Matrino, vel utroque, si admittantur, admota manu, tenent, seu tangunt Electum, vel Electam, ante Pontificem, laxatis a collo vestibus, apertum caput flexis genibus inclinantem.

Pontifex autem, sedens cum mitra, hausta, aliquo vasculo, vel urceolo, aqua baptismali de fonte, cum ea, sub trina supra caput, in modum Crucis, infusione, baptizet Electum, seu Electam, in nomine sanctæ Trinitatis, dicens:

**N. Ego te baptizo in nómine Patris ✠, fundat primo, et Fílii ✠, fundat secundo, et Spíritus ✠ sancti, fundat tertio.**

Si aqua, quæ ex capite baptizati defluit, minime in Sacrarium Baptisterii dilabatur: tunc ipsa recipiatur in subjecta aliqua pelvi per unum ex Capellanis Pontificis sustentata, ac postmodum in Sacrarium prædictum projiciatur.

Verum, si probabiliter dubitetur, an Electus fuerit baptizatus, Pontifex dicat et baptizet, ut supra:

**N. Si non es baptizátus, ego te baptizo in nómine Patris ✠, et Fílii ✠, et Spíritus ✠ sancti.**

Pontifex deinde, sedens cum mitra, intingat pollicem dexterum in sacrum Chrisma, et perungat verticem Electi in modum Crucis, dicens: (*Singulorum, si plures.*)

**D**eus omnipotens, Pater Dómini nostri Jesu Christi, qui te regenerávit ex aqua et Spíritu sancto, quique dedit tibi remissionem ómnium peccatórum, (**Hic inungit**) ipse te líniat Chrismate salutis ✠ in eódem Christo Jesu Dómino nostro in vitam ætérnam. **R.** Amen.

**V.** Pax tecum. **R.** Et cum spiritu tuo.

Tunc bombacio, vel re simili, Pontifex pollicem tergit, et imponit capiti Electi Chrismale, seu candidum linteolum; et dat illi vestem candidam, dicens: (*Singulis, si plures.*)

**A**ccipe vestem cándidam, et immaculátam quam pérferas ante tribunal Dómini nostri Jesu Christi, ut hábeas vitam ætérnam.

**R.** Amen.

Electus prædicto linteolo abstergitur, et in loco remoto deponit priores vestes, et induitur novis albi coloris, vel saltem exteriore candida, quam a Pontifice accepit, et redit ante Pontificem.

Pontifex autem, sedens, ut supra, cum mitra, dat illi cereum, seu candelam accensam in manu dextera, dicens:



**A**ccipe lámpadem ardéntem, et irreprensibilis custódi Baptísmum tuum: serva Dei mandáta, ut, cum Dóminus vénerit ad núptias, possis occurrere ei in aula cœlésti in vitam ætérnam. **R.** Amen.

Ipse vero Neophytus cereum accensum in manibus teneat usque in finem, præterquam dum confirmatur.

Postremo Pontifex, adhuc sedens cum mitra, dicit:

**N.** Vade in pace, et Dóminus sit tecum. **R.** Amen.

Tandem Pontifex, sedens ut supra, hortatur Neophytum ad baptismalem gratiam custodiendam: atque admonet susceptores de spirituali cognatione, quam contraxerunt cum Baptizato, Baptizatique patre, et matre: quæ cognatio impedit matrimonium contrahendum, ac dirimit contractum.

Completo Baptismate, Pontifex adhuc sedens cum mitra, lavat manus more solito; et inde ordine processionali revertitur in Secretarium, vel accedit ad altare.

Ibidem a Pontifice Neophyti Confirmationis Sacramento initiantur, ut in Pontificali: et successive in Missa, vel per ipsum Pontificem, vel per alium celebrata, cui ipsi intersint, sanctissimam Communionem devote suscipiant.

Pontifex demum deponit sacras vestes, et gratis Deo peractis, recedit in pace.

## PONTIFICALIS RITUS

### PRO SUPPLENDIS OMISSIS SUPER INFANTEM BAPTIZATUM.

**I**um urgente mortis periculo, vel alia cogente necessitate parvulus, sacris precibus, ac cæremoniis prætermisissis, fuerit baptizatus, ubi convaluerit, vel cessaverit periculum, et ad Ecclesiam delatus fuerit, omnia omnia suppleantur. Pontifex itaque solitis indumentis in Secretario, vel alibi ad ejus libitum, Pluvialique violacei coloris, et mitra simplici paratus, et baculo pastorali accepto, Capellanis, vel aliis Presbyteris, et Cleris, superpelliceis indutis, qui ei assistant, ac ministrent, præcedentibus, ad Ecclesiæ portam, extra quam expectant, qui infantem, vel infantes detulerunt, procedit, ibique, deposito baculo, sedet cum mitra in faldistorio, ad ejusdem portæ limen, cum strato, et violacea veste præparato. Sicque sedens cum mitra interrogat infantem positum super brachium dexterum illius, qui eum defert, illum nomine proprio, eidem imposito, appellando, et dicens: (*Si plures fuerint dicat singulariter singulis.*)

**N.** Quid petis ab Ecclésia Dei?

Patrinus Catechesis respondet: **Fidem.**

Pontifex: **Fides** quid tibi præstat?

Patrinus respondet: **Vitam ætérnam.**

(*Etiám singulariter singulis.*)

Pontifex: **Si** igitur vis ad vitam ingredi, serva mandáta: Díliges Dóminum Deum tuum ex toto corde tuo, et ex tota ánima tua, et ex tota mente tua, et próximum tuum sicut te ipsum.

Deinde surgat cum mitra, et ter exsufflet leniter in faciem infantis, et dicat semel: (*Singulariter singulis.*)

**Exi** ab eo, immúnde spíritus, et da locum Spíritui Sancto Paráclito.

Postea sedeat cum mitra, et cum pollice faciat signum Crucis in fronte, et in pectore infantis dicens: (*Singulariter singulis.*)

**A**ccipe signum Crucis tam in fronte ✠, quam in corde ✠: sume fidem cœléstium præceptórum, et talis esto móribus, ut templum Dei jam esse possis.

Surgat inde, deposita mitra, et stans dicat orationem manibus junctis, quod etiam in reliquis orationibus observet. (*In plurali pro pluribus.*)

Orémus.

**P**reces nostras, quæsumus Dómine, cleménte exaúdi: et hunc Eléctum tuum **N.** Crucis Domínicæ impressióne signátum perpétua virtúte custódi: ut magnitúdinis glóriæ tuæ rudiménta servans, per custódiam mandatórum tuórum ad regeneratiónis glóriam pervenire mereátur. Per Christum Dóminum nostrum. **R.** Amen.

(*Singulariter singulis.*) Deinde imponat manum super caput infantis, et adhuc sine mitra dicat: (*In plurali pro omnibus.*)

Orémus.

**O**mnípotens sempitérne Deus, Pater Dómini nostri Jesu Christi, respícere dignáre super hunc fámulum tuum **N.**, quem dudum ad rudiménta fidei vocáre dignátus es: omnem cæcitatém cordis ab eo expélle: dirúmpe omnes láqueos sátanæ, quibus fúerat colligátus: áperi ei, Dómine, jánuam pietátis tuæ, ut signo sapiéntiæ tuæ imbútus, ómnium cupiditátum fœtóribus cáreat, et ad suávem odórem præceptórum tuórum lætus tibi in Ecclésia tua desérviat, et proficiat de die in diem, ut idóneus sit frui grátia Baptísmi tui, quem suscepit, salis percépta medicína. Per eúmdem Christum Dóminum nostrum. **R.** Amen.

Deinde benedicturus sal (quod, semel benedictum, alias ad eumdem usum deservire potest), accepta mitra, stans dicat: (*Sine mutatione pro omnibus.*)

### BENEDICTIO SALIS.

**E**xorcízo te, creatúra salis, in nómine Dei Patris omnipoténtis ✠, et in caritaté Dómini nostri Jesu Christi ✠, et in virtúte Spíritus sancti ✠. Exorcízo te per Deum vivum ✠, per Deum verum ✠, per Deum sanctum ✠, per Deum ✠, qui te ad tutelám humáni géneris procreávit, et pópulo veniénti ad credulitatém per servos suos consecrári præcepit, ut in nómine sanctæ Trinitátis efficiáris salutáre sacraméntum ad effugándum inimicum.

Hic deponat mitram, et adhuc stans prosequatur:

Proínde rogámus te, Dómine Deus noster, ut hanc creatúram salis sanctificádo sanctífices ✠, et benedicédo benedícas ✠, ut fiat ómnibus accipiéntibus perfécta medicína; pérmanens in viscéribus eórum, in nómine ejúsdem Dómini nostri Jesu Christi, qui ventúrus est judicáre vivos et mórtuos, et sæculum per ignem.

**R.** Amen.